
Mit Sekerheid in Vitterbur

IN D' LUUR

Holger Janssen

redaktion@on-online.de



In Vitterbur sünd se upstünds düchtig upgereegt: De düütske Bundespräsident hett sük ankünnigt. Bi d' Kaark willen se hum en Arntekroon overgeven. Daar is nu düchtig wat los. Ok wegen de Sekerheid. Schandarms hebben all 'n paar maal keken, of se up de Mann ok good uppassen können. Dat sall wall goodgahn. Wenn dat de amerikaansch President was, was dat seker wat stuurder. Wegen de willen se ja immer de Gullys dicht sweißen, umdat daar nüms dör krupen kann, de de President wat andoon will. „Daar bruken se in Südbrookmerland aber wall nich bang um wesen“, see anerlestens een. „Dör de Röhren in d' Gemeen kummt nich-maal Water.“
